



Komentar monetarnih kretanja za juni 2021. godine

Ukupna novčana masa (M2) na kraju juna 2021. godine je iznosila 29,62 milijarde KM, na mjesečnom nivou registrovan je rast za 283,4 miliona KM (1%). Rast novčane mase (M2) u junu 2021. godine rezultat je rasta novca (M1) za 218,4 miliona KM (1,4%) i kvazi novca (QM) za 65 miliona KM (0,5%). Novac (M1) povećan je usljed rasta prenosivih depozita u domaćoj valuti za 198,7 miliona KM (1,9%) i gotovine izvan banaka za 19,7 miliona KM (0,4%). Kvazi novac (QM) imao je rast ostalih depozita u domaćoj valuti za 100,2 miliona KM (3,3%) i smanjenje prenosivih depozita u stranoj valuti za 20,9 miliona KM (0,7%) i ostalih depozita u stranoj valuti za 14,3 miliona KM (0,2%).

Na godišnjem nivou porast novčane mase (M2) u junu 2021. godine iznosi 2,95 milijardi KM (11,1%). Rast je ostvaren kod gotovine izvan banaka za 392,4 miliona KM (8,1%), prenosivih depozita u domaćoj valuti za 1,98 milijardi KM (22,1%), prenosivih depozita u stranoj valuti za 426,6 mil KM (16,3%), ostalih depozita u domaćoj valuti za 116,1 miliona KM (3,9%) i ostalih depozita u stranoj valuti za 42,7 miliona KM (0,6%).



Protustavka rastu novčane mase (M2) na mjesečnom nivou u junu 2021. godine u iznosu od 283,4 miliona KM (1%) je rast neto strane aktive (NSA) za 133,6 miliona KM (0,8%) i neto domaće aktive (NDA) za 149,8 miliona KM (1,2%). Porast novčane mase (M2) na godišnjem nivou od 2,95 milijardi KM (11,1%) rezultat je rasta neto strane aktive (NSA) za 2,52 milijardi KM (17,2%) i neto domaće aktive (NDA) za 433,2 miliona KM (3,6%).

Monetarni pregled

	Stanje u mil KM	Mjesečne promjene u mil. KM			Godišnje stope rasta u %		
	VI 2021	IV 2021	V 2021	VI 2021	IV 2021	V 2021	VI 2021
Aktiva							
1. Neto strana aktiva	17.168,6	502,0	195,8	133,6	14,9	15,5	17,2
1.1. Strana aktiva	19.149,5	483,3	185,6	48,2	7,5	8,4	11,6
1.2. Strana pasiva	-1.980,9	18,7	10,2	85,4	-29,5	28,1	21,3
2. Neto domaća aktiva	12.456,0	-253,3	70,9	149,8	3,8	4,5	3,6
2.1. Potraživanja od centralne vlade (neto) kantona i općina	247,3	-333,4	53,4	30,0	-139,9	-159,0	-249,1
2.2. Potraživanja od domaćih sektora	19.726,3	101,4	78,5	188,6	1,0	1,6	1,6
2.3. Ostale stavke	-7.517,6	-21,4	-61,0	-68,8	4,5	5,2	4,1
Pasiva							
1. Novčana masa (M2)	29.624,6	248,6	266,7	283,4	9,9	10,6	11,1
1.1. Novac (M1)	16.142,5	196,9	306,0	218,4	14,9	16,8	17,2
1.2. Kvazi novac (QM)	13.482,1	51,7	-39,3	65,0	4,7	4,1	4,5

Ukupni krediti

Ukupni krediti domaćim sektorima na kraju juna 2021. godine iznosili su 20,81 milijardi KM. U odnosu na prethodni mjesec povećani su za 164,2 miliona KM (0,8%). Kreditni rast registrovan je u slijedećim sektorima: stanovništvo za 97,2 miliona KM (1%), privatna preduzeća za 81,6 miliona KM (0,9%), javna preduzeća za 0,4 miliona KM (0,1%) i ostali domaći sektori za 4,9 miliona KM (3,6%). Smanjenje kreditnog rasta registrovano je u sektoru vladine institucije za 20 miliona KM (1,7%).

Godišnja stopa rasta ukupnih kredita u junu 2021.godine iznosila je (2%), odnosno nominalno 412,4 miliona KM. Rast kredita registrovan je u sektorima: stanovništvo za 358,6 miliona KM (3,6%), privatna preduzeća za 64,2 miliona KM (0,7%) i vladine institucije za 50,3 miliona KM (4,6%). Smanjenje kreditnog rasta registrovano je u sektorima: javna preduzeća za 30,6 miliona KM (5,7%) i ostali domaći sektori za 29,9 miliona KM (17,3%).

Sektorska struktura kredita u BiH

	Stanje u mil. KM	Mjesečne promjene u mil. KM			Godišnje stope promjene u %		
	VI 2021	IV 2021	V 2021	VI 2021	IV 2021	V 2021	VI 2021
Ukupno	20.808,5	98,9	72,8	164,2	1,3	1,9	2,0
Od toga:							
Stanovništvo	10.203,1	59,8	75,1	97,2	2,3	3,2	3,6
Privatna preduzeća	8.805,1	53,9	12,5	81,6	-0,6	-0,2	0,7
Vladine institucije	1.152,1	-1,9	-4,2	-19,9	6,6	6,7	4,6
Javna preduzeća	505,3	-2,0	-6,9	0,4	9	8,4	-5,7
Kreditni ostalim domaćim sektorima	142,9	-10,9	-3,7	4,9	-13,3	-14,6	-17,3

Devizne rezerve

Devizne rezerve Centralne banke BiH na kraju juna 2021. godine iznosile su 14,18 milijardi KM, povećane su za 121,6 miliona KM (0,9%) u odnosu na prethodni mjesec. Na godišnjem nivou devizne rezerve Centralne banke BiH porasle su za 1,16 milijardi KM (8,9%).